

#palestin_lives_matter

#Red_For_Palestine



د/ تغريد القدسي

« مُلتقى الأنبياء »

_ يعني ايه كلمة فلسطين أصلا؟؟:

بص ياسيدي كلمة " فلسطين " ترجع لكلمة " فلستر " الفلستر دول هما ناس أتسموا كده لإنهم من أوائل الناس اللي أستخدموا الفلوس، وأتعرّفوا بعدها عند المصريين بإسم " بلست"، وكانوا وقتها مشهورين بالزراعة، بعدها بقى أتسمت فلسطين طب ليه؟

أول جزء من الكلمة فلس = فلوس
والجزء الثاني طين = زراعة.

ناخذ نبذة عن فلسطين طيب؟!:



مبدأيا كده فلسطين عاصمتها القدس و بيتكلموا عربي زينا، عدد مواطنيها حسب دراسة ٢٠٢١ أنهم ١٣ مليون فلسطيني تقريبا، منهم ٧ مليون جوه فلسطين والباقي لاجئين عايشين في دول عربية أو أجنبية؛ عشان زي ما أنتوا عارفين إسرائيل احتلتها، وموقعها في الخريطة باين عندك أهو، جنبنا على طول.

تاريخ فلسطين أييه؟؟:

هقولك دلوقتي، هما أكتشفوا الدولة دي يا سيدي في العصر الحجري؛ وحصل هجرتين أول واحدة هجرة الكنعان، والثانية هجرة سيدنا إبراهيم عليه السلام من العراق إلى فلسطين، وبعد فترة تم إحتلال فلسطين عشان موقعها المتميز والثروات اللي فيها أحتلت من كذا حد وهما:

_استولى على القدس نبوخذ نصر سنة ٥٩٧ قبل الميلاد.

_احتلها الفرس سنة ٥٣٩ قبل الميلاد.

_احتلها أسكندر الأكبر اليوناني سنة ٣٣٢ قبل الميلاد.

_احتلال روماني

_وفي نص القرن السابع الميلادي فتحها المسلمين.

_وبعدها حصلت الحرب العالمية الاولى وبقت فلسطين تحت الإنتداب البريطاني

وبعدها سلمت الحكم لليهود سنة ١٩٤٨ ميلادي، ومن هنا بدأت القصة...تعالى

أحكيلك، بس الأول شوف الفرق..



المسجد القبلي



مسجد قبة الصخرة



ليه فلسطين محتلة هي بالذات ما في دول كتير أضعف منها؟! :

خلينا متفقين إن أي دولة أو أي مخطط عايز يحتل دولة بيكون ليه هدف وغاية، وهدف اليهود إنهم يسيطروا على القدس، و يهدوا المسجد الأقصى، ويبنوا الهيكل بتاعهم، و القدس بيسموها أرض الميعاد، والمفروض بعد ما بينوا هيكلهم يطلع المسيح بتاعهم، وإنه أما بيجي هيكون فيه خلاص لليهود، و هيحكم المسيح ده لمدة ١٠٠٠ سنة، و هيقتل كل الكفرة بدينهم و هيحكم بالشرعية اليهودية، وكل ده حسب معتقداتهم اليهودية.

اقتباس من احدى المقالات:

يقول ابن جوربون -أول رئيس وزراء لدولة يهود-: "لا قيمة لإسرائيل بدون القدس، ولا قيمة للقدس بدون الهيكل". ويقول الحاخام الهالك مائير كاهانا في صفاقةٍ وتبجحٍ وجُرأةٍ على الجبّار -جل جلاله-: "إن إزالة المسجد الأقصى وقبة الصخرة واجبٌ يقتضيه الدين اليهودي، وإن المعركة دينية، ولكل شعبٍ إلهٌ يحميه، وإذا استطاع الله أن يحمي مساجده فليفعل في مواجهة التصميم اليهودي على إعادة بناء هيكل سليمان محل المساجد الإسلامية".

وبكده يبقى عرفت حاجه إن الحرب دي مش مجرد حرب عادية على شوية ثروات، لا الحرب دي حرب عقائدية، هما عايزين يهدوا أكبر مسجد، ويهدوا مكانا المبارك، و إحنا طبعاً مش هنقبل.

طب اتكلما كل ده ومقلناش أهمية القدس؟؟ ليه بندافع عنها أوي كده!! :

أولاً كده ياعم القدس هي عاصمة فلسطين زي ما قولنا، وفي القدس بقى حته إسمها المسجد الأقصى، الحته دي بقى فيها جامعين زي ما شفت في الصورة فوق كده، و الحته دي تهمننا و تهمننا جدا طب ليه!! :

لأنه تاني مسجد اتبنى على الأرض وعاش حوالياه معظم الأنبياء والمرسلين عليهم السلام.
و أول قبلة للمسلمين، يعني المسلمين كانوا بيصلوا ناحيته لحد ما ربنا أمر بالصلاة ناحية الكعبة.

اللي بنى المسجد ده هو سيدنا آدم أول خلق الله(وفي أقوال تانية بتقول إن الملائكة اللي بنته)، وربنا جعل المكان ده مبارك.

أسرى الرسول ﷺ للمسجد الأقصى في رحلة الإسراء والمعراج وده يدل طبعا على أهميته.

أجمع العلماء على استحباب الصلاة فيه وزيارته قال الرسول صَلَّى اللهُ عَلَيْهِ وَسَلَّمَ: (لا تُشَدُّ الرَّحَالُ إِلَّا إِلَى ثَلَاثَةِ مَسَاجِدَ: الْمَسْجِدِ الْحَرَامِ، وَمَسْجِدِ الرَّسُولِ صَلَّى اللهُ عَلَيْهِ وَسَلَّمَ، وَمَسْجِدِ الْأَقْصَى)

وفيه بدل الأهمية ألف إقرأ كثير أهم شئ... 7

_طَب نعمل ايه عشان ندعم اللي بيحصل في فلسطين؟

أكيد مش هقولك روح ارمي نفسك تحت الدبابات، ده مش وقته دلوقتي، أهم حاجة بجد تذكر الناس بأهمية المسجد الأقصى، أهمية إننا ندافع عنه، واصلا دفاعك عنه ده واجب عليك كمسلم وكعربي، أهمية دعم اخواتنا الفلسطينيين حتى لو بهشتاج بيفرق لإنه بيقلب رأي عام و بيخوف العدو و بيساند الأهالي، وممكن برضونساند اخواتنا اللي هناك بدعم مادي مثلا، أو بمقاطعة منتجات إسرائيلية، وفي طرق كثيرة بس أنت إبدأ أو أعمل زيي كده و انشر الحاجات دي ووعي الناس اللي جنبك، للأسف فيه ناس كتير غيرك مش فاهمين يعني ايه قضية فلسطينية.

أيا قدسُ .. يا أقصى
أيا عشقي .. أيا عرقي
أيا عناقي الراقي .. أيا شقيقة الدربِ
انهضي..
لن يصيبك إرهاب

اللهم إنّنا نستودعك غزة وبيت المقدس وأهل القدس وكل فلسطين
اللهم انصرهم نصراً عاجلاً غير آجلاً
اللهم انصرنا على أعداء الإسلام والمسلمين



القضية اللي على الساحة
ال فلسطينية دلوقتي، قضية
حي الشيخ جراح، متسوش
تقرأوا عنها وإرجع للصورة
دي هتحتاجها.